

Акафист святому апостолу Варфоломею

Кондак 1

Избранному от людей Израилевых во Христова апостола на уловление человеков, чудному Варфоломею, пения похвальная принесём, вернии, яко оставившему дом свой и нищету Христову избравшему, Христово учение паче учения еврейских книжников возлюбившему. Ты же, святыи апостоле, всех нас, память твою честную празднующих, не остави своим наставлением, предстательством и заступлением, да от всего сердца благодарными устнами вопием ти:

Радуйся, святыи славный и всехвальный апостоле Варфоломее.

Икос 1

Ангелов Господь и Спаситель всего человека рода, провидев чистоту твоея души, святыи Варфоломее, благоволи во всеобщей на горе молитве Своей к Богу и Отцу Своему избрати ты во единого от обоюддесяте и нареши ты апостолом Своим. Мы же, дивящиеся духовным дарованиям твоим, прославляем тя сие:

Радуйся, Варфоломее, великий Христов апостоле; радуйся, учениче Христов усерднейший.

Радуйся, яко сердце свое непорочно соблюл еси.

Радуйся, яко лукавые наставления старцев еврейских отвергл еси.

Радуйся, яко всем чистым сердцем своим Христу прилепился еси.

Радуйся, яко вся мирская благая ни во что же вменил еси.

Радуйся, яко отца и мать и братию и сестры своя ради Господа оставил еси.

Радуйся, яко во следовании за Христом истинное блаженство ощутил еси.

Радуйся, учением Христовым пленивыйся.

Радуйся, в пути Христовом блага Царствия Небеснаго предвкусивый.

Радуйся, благогласнейший проповедниче Христова учения.

Радуйся, верный слуго Господень.

Радуйся, святыи славный и всехвальный апостоле Варфоломее.

Кондак 2

Видя чудная дела Господа своего и Учителя, слыша из уст Его исходящее небесное учение, ясно уразумел еси, святыи Варфоломее, со апо-

столом Петром и прочими апостолами вкѹпе, яко глаголы живота вѣчнаго Учитель ваш имать, и яко Онъ есть воистину Сынъ Бѹга Живаго, Ему же вся земля едиными устыъ взывати научается: Аллилуиа.

Икосъ 2

Разумному Солнцу Правды вседѹшно восхотѣлъ еси, святыи апостоле Варфоломее, поработати и радостно приять еси заповѣдь Гѹспода о проповѣди овцамъ погибшимъ дому Израилева. Сего ради потщался еси со всеми апостолами по всеямъ и градамъ Израилевымъ ходити, болящия исцѣляти, прокаженныя очищать, мертвыя воскрешать, бесы изгонять и всемъ проповѣдати и вещать, яко приблизися Царствие Небесное. Воспоминающе начало апостольскихъ трудовъ твоихъ при земной жизни Гѹспода, сий похвальная восписѹемъ ти:

Радуйся, святыи апостоле Варфоломее, усердный заповѣдей Христовыхъ исполнителю.

Радуйся, всего себе Гѹсподеву послушно поработивый.

Радуйся, яко не стяжалъ еси ни злата, ни сребра, ни меди при поясе своемъ.

Радуйся, яко ни пиры в путь, ни двою ризу, ни сапогъ, ни жезла с собою, по заповѣди Христа, не бралъ еси.

Радуйся, яко миръ Христовъ в домы вносилъ еси.

Радуйся, яко с добрыми добре пребывалъ еси.

Радуйся, яко отъ непрившихъ мира Христова паки себе миръ принималъ еси.

Радуйся, яко учение Гѹспода своего усердно проповѣдалъ еси.

Радуйся, ты бо по слову Христову, яко овча среди волковъ, с Евангелиемъ шествовалъ еси.

Радуйся, яко болѣзни неисцельныя целилъ еси.

Радуйся, яко духовъ лукавыхъ изгонялъ еси.

Радуйся, яко прокаженныя очищалъ еси и мертвыя воскрешалъ еси.

Радуйся, святыи славный и всехвальный апостоле Варфоломее.

Кондакъ 3

Сила духовная Божественнаго учения Спаса всехъ и Гѹспода всесовершенно пленилъ тебѣ, славный Варфоломее: сего ради никоеже сладости мира сего восхотѣлъ вкушать, токмо единого истиннаго блага желалъ еси присно наслаждаться, во еже слѹшати словеса Учителя своего, созерцати сладкий Ликъ своего Гѹспода, зрѣти дивное служение Его скорбящимъ и обремененнымъ и во веки со всеми избранными Его взывати Ему ангельскую песнь: Аллилуиа.

Икос 3

Имѣя богатство неизреченныя благодсти, Спас мира и Господь, ведый, яко прииде Ему час, да прейдет от мира сего ко Отцу, тайноводства Своя сущыя в мире ученики. Показуя им прежде Креста Своего путь, добрейший смирения, начат умытья ноги другом Своем и отирати лентием; хлеб и вино благословй Господь и Таинство Причащения в Церкви Своей на веки утверди. Сия видев, святыи Варфоломей с прочими апостолы всем сердцем своим возжелє Учителю своему подражати и в Его воспоминание святое Таинство Причащения присно совершати. За таковоє твоего сердца благоє изволение убожаєм тя, святыи апостоле, восхвалениями сими:

Радуйся, добрый и послушный Христов учениче.

Радуйся, благоговейный исполнителю Христовых заповедей.

Радуйся, яко сподобился еси прияти омовение ног своих от Господа своего и Учителя.

Радуйся, яко на Тайней Вечери Тела и Крови Христовых приобщился еси.

Радуйся, Христову тайноводству научивыйся.

Радуйся, заповедь новую от Господа Христа приявый, во еже душу свою положить за други своя.

Радуйся, плодородная ветве Христа, лозы истинныя.

Радуйся, смирения Христова истинный служителю.

Радуйся, словом Христовым очищенный.

Радуйся, за Господа и Христа жизнь свою положить обещаый.

Радуйся, любве Христовой проповедниче.

Радуйся, о всем мире теплый к Богу молитвенниче.

Радуйся, святыи славный и всехвальный апостоле Варфоломее.

Кондак 4

Буря великих смущений найдє на тя, святыи апостоле, егда видел еси Господа своего и Учителя, от предателя лестию лобзаннаго, в руке лютых и беззаконных судей преданнаго, на смерть позорную осужденнаго, на кресте смерть приявшего и во гроб мал заключеннаго. Егда же услышал еси святых жен мироносиц, радостную вест о воскресении Господа принєсших, егда собственными очима сподобился еси зрети воскресшаго Господа, язвы Своя на Пречистем Телѣ Своем показующаго, тогда со всеми апостолы, печаль свою на радость преложив, воззвал еси велегласно Господу Христу, из мертвых воскресшему: Аллилуиа.

Икос 4

Слышал еси, славный Варфоломее, божественныя глаголы Господа, по Воскресении Своем отверзшаго всем апостолом ум разумети Писания, яко тако подобаше, по Писанию, Христу пострадати и воскреснути от мертвых в третий день, видел еси Господа своего, с горы Елеонстей во славе вознесшагося, и с радостию велиею возвратился еси во Иерусалим, хваля и благословляя Господа. За таковое твое радостное прославление Господа, паки во славе грядущаго судити живым и мертвым, воспеваем ти, святыи апостоле, похвалы сицевыя:

Радуйся, воскресшаго Господа видети сподобивыйся.

Радуйся, гвоздиным язвам на Пречистем Тэле Его усердно поклонивыйся.

Радуйся, яко Христову Воскресению поверил еси.

Радуйся, яко явлением Его всесладким мудрости и разума исполнился еси.

Радуйся, со Христом по Воскресении Его общия трапезы насладивыйся.

Радуйся, от Него Писания пророческая разумети научивыйся.

Радуйся, на горе Елеонстей, яко в предверии Небеснем, со Учителем своим обретыйся.

Радуйся, благословение Господне получить сподобивыйся.

Радуйся, Божественнаго Вознесения свидетелю.

Радуйся, светлых небожителей собеседниче.

Радуйся, великия благодатныя радости в день Вознесения причастниче.

Радуйся, хвалы и прославления Господа светлый источниче.

Радуйся, святыи славный и всехвальный апостоле Варфоломее.

Кондак 5

Богоглаголивый Лука явственню всей вселенней повествует, яко собранным во Иерусалиме всем учеником Христовым внезапно бысть шум с небес, яко носиму дыханию бурну и исполни весь дом, идеже ученицы Его бяху сидяще. И явися им разделении языцы, яко огнени, седе же на едином коемждо их, и исполнишася вси Духа Свята и начаша глаголати иными языки, якоже даеше им провещавати. С прочими святыми апостолы Христовыми в Сионстей светлей горнице и ты был еси, блаженне Варфоломее; и Духом Святым водимый, научился еси иными языки в Троице славному Богу непрестанно зывать: Аллилуиа.

Икос 5

Увидел еси, святый апостоле Варфоломее, в павшем ти жребии проповедати Христова Евангелие в Сирии, Горней Азии и прочих соседних странах, со апостолом Филиппом вкупе, повеление Самого Господа. Сего ради тягостей путей апостольских не убоялся еси, страданий за Господа Христа не утрашил еси и купно с Филиппом Единого Господа в сих странах проповедал еси: тогда и Лидийския и Миссийския грады и веси оглашени быша проповедию апостольскою. Дивящися сим благовестническим трудам твоим, сице радостно тебе глаголем:

Радуйся, неленостный исполнителю заветов Христовых.

Радуйся, безбоязненный проповедниче Христова Евангелия.

Радуйся, яко со апостолом Филиппом и сестрою его Мариамией купно по градам и весям Миссийским и Лидийским шествовал еси.

Радуйся, яко со апостолом Иоанном Богословом благодатными утешении наслаждался еси.

Радуйся, неустанный к Богу молитвенниче.

Радуйся, дара любви к Богу и людям усердный множителю.

Радуйся, покаяния учителю.

Радуйся, смирения наставниче.

Радуйся, идолов сокрушителю.

Радуйся, великих таин Божиих провозвестниче.

Радуйся, огненными словесы своими слух языческих людей огласивый.

Радуйся, ко Христу детоводителю их прилежный.

Радуйся, святый славный и всехвальный апостоле Варфоломее.

Кондак 6

Проповедницы Христова учения zelo усерднейший явися святый Варфоломей, Филипп и блаженная Мариамия, егда со Христовым Евангелием внидоша во град фригийский Иераполь, сей град исполнен бе мерзких идолов, еще же ослеплении людие града того боготвориша гады некии, змии же и ехидны. Святии апостоли, со Иоанном Богословом вкупе, велию ехидну, ей же безумнии людие приношаху в ея храме многия и различныя жертвы, молитвою своею, аки копием, умертвиша. Послежде же день и ночь во слове Божиим труждающиеся научиша множество обитателей Иераполя воспевати купно с ними песнь хвалобную Господу: Аллилуиа.

Икос 6

Возсія обильно свет Христова учения во граде Иерáпольстем, егда святы́й Варфоломе́й с Филиппом и Мариáмией вкупе отверзо́ша о́чи некоему Стáхию, четы́редесят лет слепотствующу, еще же и мно́ги недужныя исцели́ша и бесныя уврачевáша: жену́ Анфипáта Иерáпольского, змíем угрызённую, от одра́ смёртнаго воздвиго́ша. Анфипáт же злы́й ярости испóлнися, егда́ услы́ша, яко́ жена́ его́ ве́ру Христо́ву при́ят, и повелé святы́х апóстолов лю́тым му́кам преда́ти. Мы же, воспомина́я сия́ сла́вныя страда́ния и по́двиги во сла́ву Христа́, похваля́ем свята́го апóстола Варфоломе́я всеусе́рдно:

Радуйся, Ду́ха Свята́го сосúde вседрагíй.
Радуйся, вели́ких чудес соверши́телю.
Радуйся, слепы́м зрèние дарова́вый.
Радуйся, хромы́м благоше́ствие устро́ивый.
Радуйся, от укуше́ния ядови́тых змíй целíтелю.
Радуйся, бесóв прогонíтелю.
Радуйся, неустраши́мый испове́днице всесла́дкого íмене Христо́ва.
Радуйся, кúпно с Филиппом на смерть осужде́нный.
Радуйся, на стене́ идо́льского ка́пища ра́спяты́й.
Радуйся, си́лою Бóжиею невредíм сохрани́выйся.
Радуйся, чудесы́ свои́ми мно́ги ко Христу́ обрати́вый.
Радуйся, Стáхия во епíскопа Иерáпольского поста́вивый.
Радуйся, святы́й сла́вный и всехва́льный апóстоле Варфоломе́е.

Кондак 7

Хотя́ вся концы́ вселénныя Христо́вым учéнием огласíти, святы́й Варфоломе́й чу́дный, от лю́тых гонéний Анфипáта Иерáпольского избáвленный, с пропове́дию Христо́вою, Ду́ха Свята́го повелéнием, при́иде во Индíйския страны́, иде́же во сла́ву Христа́ нема́ло вре́мени потруди́ся, шéствую из гра́да во град, из ве́си в весь, благовеству́я мир Христо́в, исцеля́я болéзнии неисцельныя и научáя лю́ди стран Индíйских оста́вити идо́лы безсты́дныя, Еди́ному же Бóгу благоде́ющему всех взывáти: Аллилу́иа.

Икос 7

Дíвное благопопечéние о лю́дех стран Индíйских явил еси, святы́й апóстоле, егда́ насельники стран сих просветíв и цёркви в них устро́ив, Евáнгелие от свята́го Матфе́я, с собо́ю носíмое, на их индíйский язык переве́де, и само́е то Евáнгелие, от Матфе́я напи́санное, у них же оста́ви.

Сего́ ра́ди христиáне стран Индíйских благодарно́ воспева́ху ти, святы́й Варфоломе́е, та́ко:

Радуйся, великий наш апóстоле.
Радуйся, во Христé отéц наш чадолюбивый.
Радуйся, мýками рождéния о нас болéзновавый.
Радуйся, Христá Гóспода в нас вообразивый¹.
Радуйся, идольскую лeсть в нас обличивый.
Радуйся, ко истинному свéту вся ны наставивый.
Радуйся, словесá Евáнгелия Христóва нам оставивый.
Радуйся, Цérкве Бóжия в нас устройтелю.
Радуйся, неусыпный о нас пред престóлом Бóжиим предстоятелю.
Радуйся, о всем мíре тёплый пред Бóгом ходáтаю.
Радуйся, крéпкое нáше уповáние.
Радуйся, о нáшем вéчном спасéнии изрядный попечítелю.
Радуйся, святýй слáвный и всехвáльный апóстоле Варфоломее.

Кондак 8

Стрáнно есть неверующим слышати, кáко святýй апóстол Варфоломéй, свéтом истины Христóвой осиявый странý Индийския, пáки нóвую нíву, Христóвым учéнием невоздéланную, обрéте и на конéц житíя своего в великую Армéнию устремíся, да просветít и zde лю́дие, во тьме и сéни смéртней седящия, и да научít их Едíному Творцý и Гóсподу благодарными устýи воспевáти: Аллилу́иа.

Икос 8

Весь дýхом горя́ о слáве Гóспода, святýй апóстол Варфоломéй, прише́д в великую Армéнию, усéрдно воззва́ в молítве своéй ко Гóсподу, да посрамлени бýдут бéси, во идолах странý тоя обитáвшия, и да бýдут ниспровергнуты бездýшнии идоли, и не тща бе молítва святáго апóстола: бéси умолкóша, идоли падóша, лю́дие же сего́ бесóвскаго мучítельства и безумия избáвльшеся, восхваля́ху святáго просветítеля своего́ сицевыми радостными воззвáнии:

Радуйся, апóстоле, крáсными ногáми сво́ими зéмлю нáшу освятívый.
Радуйся, святýю, истинную véру всем нам возвестívый.
Радуйся, бесóв изгонítелю.
Радуйся, и́долов сокрушítелю.
Радуйся, в молítве и дерзновéнии пламенéющий.
Радуйся, во святóм служéнии ко Гóсподу дóбрый примёр нам показýющий.
Радуйся, дíвный Христóв благовéстниче.

¹ Христу Господу нас уподобивший.

Радуйся, пресла́вный чудотво́рче.
Радуйся, болéзни на́ши врачу́ющий.
Радуйся, ско́рби на́ши разгоня́ющий.
Радуйся, всех нас и́стинно возлюбивый.
Радуйся, всем нам путь ко спасéнию показавый.
Радуйся, святы́й сла́вный и всехва́льный апо́столе Варфоломее.

Кондак 9

Вси лю́дие вели́кия Арме́нии зело́ удивля́хуся, зря́ще чудеса́ и зна́мения, тобо́ю, святы́й апо́столе, соверша́емая: егда́ же видеша́ идо́лы па́дшия, ду́хи нечи́стыя изгоня́емая, сла́вляху Бо́га, дивна́го во святы́х своих и воспева́ху Ему́ благодарными́ усты́: Аллилу́иа.

Икос 9

Витийствующий язы́к челове́ческий не возмо́жет досто́йным о́бразом восхваля́ти болéзни и труды́ тво́я, зна́мения и чудеса́ тво́я, святы́й апо́столе, в вели́цей Арме́нии бы́вша́я, си́ла зна́мений сих да́же до царева́ до́ма дости́же, егда́ из дще́ре царевой моли́твою тво́ею бес изгна́ся. Егда́ же царь и вси лю́дие, твою́ во Христе́ нелицеме́рную нищету́ узре́вше, обрати́шася ко Христу́, тогда́ вся вели́кая Арме́ния от царева́ до́ма и до обита́лища бедных огласи́ся сицевы́ми ра́достными и хвалёбными́ пении́ тебе́, вели́кому апо́столу и чудотво́рцу:

Радуйся, чудотво́рче предивный.
Радуйся, всех скорбя́щих врачу́ безме́здный.
Радуйся, сла́ву Христо́ву па́че земных сокро́вищ возлюбивый.
Радуйся, о спасéнии душ челове́ческих прилежа́вый.
Радуйся, царя́ Полимия́, цари́цу и дщерь их ко Христу́ обрати́вый.
Радуйся, и царедво́рцы знатны́я, и от простых люде́й немало́ святы́м крещéнием просвети́вый.
Радуйся, нищету́ духо́вную и телéсную возлюбивый.
Радуйся, сла́вный безсрэбрениче.
Радуйся, вели́кия Арме́нии просветителю.
Радуйся, о́тче наш чадолюбивый.
Радуйся, ра́йския двéри нам отверза́ющий.
Радуйся, от путя́ гибельна́го нас исхища́ющий.
Радуйся, святы́й сла́вный и всехва́льный апо́столе Варфоломее.

Кондак 10

Спасéнию но́вых и но́вых люде́й рабо́тая, дости́гл еси, святы́й апо́столе Варфоломее, блаже́нного конца́ жития́ своего́. Жрецы́ идо́лстии

в велицей Армэнии видяше яко препитания своего лишáхуся, научиша царéва брата, жестокаго Астиáга, да погубит тя, святы́й апóстоле, сей же, нейстовый, предав тебе во граде Алвáнстем жесто́ким мно́гим му́кам, повелéл на кресте стремгла́в² распя́ти тя, да престáнут устá твоя вешáти учéние Христá распя́таго. Ты же, апóстоле, и на кресте́ рáдостно взывáл еси́ Гóсподу: Аллилу́иа.

Икос 10

Царя́ и Гóспода не престáл еси́ проповéдати, святы́й апóстоле, усты́ своими и, вися стремгла́в на кресте́, учил бо еси́ собранны́я на позóр³ сей лю́ди: твёрдо за véру Христóву сто́яти, по Евáнгелию жи́ти и неверны́я ко Христóу привле́кати.

Мы же, дивя́щиеся укрепля́ющей тя силе́ Бóжией и твоёму́, святы́й апóстоле, му́жеству, в похвалу́ тебе́ си́це глаго́лем:

Радуйся, сла́вный Христóв му́чениче.

Радуйся, Христóва учéния исповéднице дерзнове́нный.

Радуйся, уста́ми своими́ да́же до сме́рти и́стину Бóжью проповéдавай.

Радуйся, терпе́нием своим́ всю вселéнную удививый.

Радуйся, в сме́ртный час ты́сящи ко Христóу привле́кий.

Радуйся, я́вный благодáтныя си́лы Христóвы свидéтелю.

Радуйся, позóр крéстной сме́рти, яко побéдный венéц, рáдостно по-не́сший.

Радуйся, в час сме́ртных мучéний своих́ с Гóсподом в единéнии пре-бы́вый.

Радуйся, в свой сме́ртный час ра́йския сла́дости на земл́и предвкуси́-вый.

Радуйся, в сей ра́йской сла́дости Божéственного естества́ и́стинный причáстниче.

Радуйся, терпе́ния учите́лю.

Радуйся, всяких добродéтелей вмести́лище.

Радуйся, святы́й сла́вный и всехва́льный апóстоле Варфоломее́.

Кондак 11

Пéние всеумилéнное прино́сим тебе́, сла́вный апóстоле Христóв Варфоломее́. Сме́ртный твой час на дрéве крéстнем воспомина́юще, дивимся твоёму́ священному́ за Христá заколéнию: со слезáми ублажа́ем твою́ кончи́ну, егда́ мучите́ль жесто́кий повелé и ко́жу с твоего́ честна́го

² Вниз головой.

³ Зрелище.

тѣла содрати; ты же, святыи апостоле, и в сем странном виде не престал еси Господа восхваляти до того блаженнаго часа, егда с кожею твоєю и главою твоєю, велением мучителя, усечена бысть; а чистая душа твоя, святыи апостоле, восхищена бысть на небеса воздавати славу Господу и со светлыми небожителями во веки зывати Ему: Аллилуиа.

Икос 11

Свет великий во исцеление всяких немощей людских возсия от честных мощей твоих, славный апостоле, во граде Алване, егда вернии, взявше по кончине твоей со креста честное тело твое, во оловянной раце благоговейно вкупе с главою и кожею положиша. Егда же невернии мучителие, бесов служителие, узреша, яко мнози в той стране от неверных ко Христовой прилагашуся Церкви, ввергоша честныя мочи твоя в море, и мочи твоя сии во оловянной раце, аки в легкой ладий, по водам понесаша, дондеже пристаху ко острову Липару, идеже епископ Агафон, по Божию откровению, с народом и клиром благоговейно прият святую раку с мощами твоими, святыи апостоле, и радостно в храм сего острова внесе. В сей прерадостный день насельницы острова Липара научашася тако славити тебе, святыи апостоле:

Радуйся, славный апостоле Христов.

Радуйся, верный самовидче Слова и слуго.

Радуйся, мудрый Евангелия Христова проповедниче.

Радуйся, чудес источниче.

Радуйся, яко мочи твоя от востока и до запада имя Господне восхваляша.

Радуйся, яко шествием мощей твоих море освятися.

Радуйся, Сирии и Горныя Азии просветителю.

Радуйся, Иераполя фригийскаго апостоле.

Радуйся, яко с проповедию Христовою даже до Индии дошел еси.

Радуйся, яко насельников берегов моря Хвалынскаго⁴ светом Христова учения просветил еси.

Радуйся, яко великую Армению ко Христу привел еси.

Радуйся, яко и нас пришествием мощей твоих сладостно утешил еси.

Радуйся, святыи славный и всехвальный апостоле Варфоломее.

Кондак 12

Благодать от Господа достойно подражати житию твоему и прославляти болезни и труды твоя подаждь нам, святыи апостоле, яко же иногда

⁴ Каспийское море.

пóдал еси благодáть Ио́сифу Песнопíсцу, егда́ в навечéрие прáздника своего́ явѝлся еси ему́ во алтари́ и святы́м Ева́нгелием благослови́л еси его́, да и мы моли́твами твоими́, благодáтию Бóжиею озарéннии, кúпно со всею́ вселéнною Гóсподу со умилéнием взывáем: Аллилу́иа.

Икос 12

Пою́ще твоё за Хри́стом слéдование, восхваля́ем дѝвная апо́стольская дела́ твоѝ, благоговѝно чтим двукра́тное твоё за Христа́ распя́тие, ублажа́ем честны́я твоѝ главы́ отсече́ние, сла́вим неисче́тныя чудеса́ от честны́х мощѝ твои́х и в похвалу́ велегла́сно тебе́ глаго́лем:

Радуйся, про́поведию твоёю мно́ги концы́ вселéнныя огласи́вый.

Радуйся, мно́ги лю́ди ко Хри́сту Гóсподу приведи́й.

Радуйся, му́дрый Ева́нгелия Хри́стова проповѣдниче.

Радуйся, Хри́стовых за́поведей твёрдый исполнителю.

Радуйся, яко обитáтели гра́да Баку́ тебе́ яко своего́ апо́стола почи́тают.

Радуйся, яко твои́м по́двигам вся вселéнная дивѝтся.

Радуйся, во Хри́сте отец наш многопопечительный.

Радуйся, апо́столу, о на́шем спасéнии зело́ рачительный.

Радуйся, яко тебе́ в день Стра́шнаго судá Хри́стова дан будет един от обоюна́дешате престóлов апо́стольских, да сýдиши со Хри́стом всю вселéнную.

Радуйся, яко за пра́ведников ходáтаем пред Еди́ным Судие́ю и Гóсподом в тот час я́вишися, а от грѣшников своим ходáтайством пра́ведно отстúпиши.

Радуйся, сла́вный просла́вителю сла́вных дел Бóжиих.

Радуйся, злых ко́зней сатаны́ сокрушителью.

Радуйся, святы́й сла́вный и всехва́льный апо́столу Варфоломе́е.

Кондак 13

О, святы́й сла́вный и всехва́льный апо́столу Варфоломе́е. Приими́ сие́ от нас недостóйных приносѝмое тебе́ хвалѣбное пѣние. И яко же ты сам всем сёрдцем, душе́ю и тѣлом преда́л еси себѣ на служéние Гóсподу своему́ и Учѝтелю, тако́ и нас моли́твами сподоби́ жизнь свою́ во сла́ву Гóспода устроѝти, вся от Него́ посыла́емая со благодарéнием приима́ти и, тако́ тебе́ подража́юще, вѣчное Цáрствие насле́дити и Гóсподу Творцу́ на́шему и Промы́слителю с тобо́ю и все́ми святы́ми во ве́ки воспѣва́ти: Аллилу́иа, Аллилу́иа, Аллилу́иа.

Трижды: таже Икос 1 и Кондак 1

Молитва святому апостолу Варфоломею

О, святы́й сла́вный и всехва́льный Христо́в апо́столе Варфоломе́е!

Сла́вную и свяще́нную па́мять твою́ прославля́юще, усер́дно мо́лим тя, яко вели́каго Христо́ва апо́стола, да твоими моли́твами почива́ет на нас, грешных, благода́ть Свята́го Ду́ха, да сею благода́тию води́ми, возмо́жем и мы подража́тели твоего́ жити́я и трудо́в яви́тися, яко же ты яви́лся еси подража́тель своего́ Божества́наго Учи́теля и Го́спода, нося́ в себѣ языкоогнеобра́зную Свята́го Ду́ха благода́ть.

Ве́мы, святы́й апо́столе, яко жити́е на́ше на землѣ вся́ких зол испол́нено, не тщи́мся мы Христо́во Ева́нгелие со усер́дием исполня́ти и сице́вым исполне́нием имя Бо́жие прославля́ти, но тщи́мся то́кмо чре́ву на́шему угожда́ти и вся́ким мирски́м по́хотям рабо́тати, не ймамы произво́ленія целому́дренно и пра́ведно и благоче́стно прожита́ в ве́це сем и гряду́щаго блаже́ннаго ве́ка не взыску́ем. Тем же мо́лим тя, святы́й апо́столе, якоже сам ты весь в Го́споде жил еси и Его́ то́кмо велѣ́ния исполня́л еси и ника́коже греху́ рабо́тал еси, та́ко помози́ и нам твоими моли́твами все́гда во́лю Бо́жию твори́ти и путе́м за́поведей Христо́вых ше́ствовати, да на́шими до́брыми дела́ми прославля́ется имя Отца́ на́шего Небе́снаго.

Ве́руем, святы́й Христо́в апо́столе, яко ты, еще́ жив сый, все́гда ко́зни диа́вольския побежда́л еси, бе́сныя врачева́л еси и безду́шных идо́лов, бесо́в вмести́лище, сокруша́л еси, та́ко и по сме́рти свои́ми моли́твами си́лен еси победы́ нам над ду́хи нечи́стыми дарова́ти и вся́кая проше́ния на́ша исполня́ти.

Услы́ши моли́тву на́шу, апо́столе святы́й, и не посрами́ нас в на́шем свято́м упова́нии. Пода́ждь нам с небесе́ по́мощь все́гда Го́споду Христу́ рабо́тати.

Па́стырем на́шим пода́ждь ре́вность неуста́нно сло́во Бо́жие пропове́дати, мир Христо́в сло́вом и жити́ем благовествова́ти и пасо́мыя во Ца́рствие Бо́жие руководи́ти. Всем же лю́дем да́ждь дух послуша́ния и свято́й пре́данности Це́ркви Христо́вой и па́стырем Ея́.

Умоли́ Го́спода всем нам дарова́ти дух умиле́ния, дух моли́твы и воздыха́ния сердечна́го, да та́ко твои́м стопам послѣдую́ще, йстиннии раби́ Го́спода объя́вимся, и в стра́шный день Втора́го прише́ствия Христо́ва моли́твами твои́ми десну́ю часть спаса́емых получи́м и просла́вим с тобо́ю и все́ми святы́ми пречестно́е и великоле́пое имя Отца́ и Сы́на и Свята́го Ду́ха во ве́ки веко́в. Ами́нь.